

Dissertatio solennis de morbis medicorum ... / [Justus Heinrich Lange].

Contributors

Lange, Justus Heinrich.
Fürstenau, Johann Hermann, 1688-1756.
Universität Rinteln.

Publication/Creation

Rintelii : Joh. Godofr. Enax, [1732]

Persistent URL

<https://wellcomecollection.org/works/ztv22a3z>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO SOLENNIS
DE
MORBIS
MEDICORUM,

QUAM
DEO PROPITIO
BENEVOLO ORDINIS MEDICI CONSENSU
IN ILLUSTRIS
AD VISURGIM ACADEMIA
PRAESIDE

D. JO. HERMANNO FÜRSTENAU,
PROFESSORE MEDICINAE PRIMARIO
ATQUE OECONOMIAE ORDINARIO,
FAC. MED. H. T. DECANO,

PRO LICENTIA
ADSPIRANDI AD SUMMOS IN ARTE SALUTARI
HONORES

D. XVI. MAJI MDCCCXXXII.

H. L. Q. S.

PUBLICO SENATUS ACADEMICI EXAMINI SISTET
JUSTUS HENRICUS LANGE
MÜNDA - HANNOVERANUS.

RINTELII
TYPIS JOH. GODOFR. ENAX, ACAD. TYPOGR.

EXHIBIT NO. 101

MORRIS MEDICORUM

DE
GEOGRAPHIA
PENITENTIAE

AD ACADEMIAM

IO. HERNANDEZ

IN
THE
MEXICAN

PRO LICENTIA

AD
HONORES

AD XLV MAI

IN

JUSTUS PER

AD

THE



Q. B. V.

DE

MORBIS MEDICORUM

DISSERTATIO SOLENNIS.

I.

Morborum insultibus ut cuncti mortalium congenitæ labis vitio obnoxii vivunt, ita nec qui servandorum hominum disciplinam profitentur, ab iisdem immunes degunt, quin tanto frequentiore & graviore ab illis mulctam non raro experiuntur, quanto in artis exercitio aliis antecellere videntur, idque non tam artis saluberrimæ, quam variorum quibus usu ejusdem & exercitatione frequentiori, opportuni sunt, accidentium culpa. Equidem Asclepiadem Prusiensem ob sponsonem factam cum fortuna ne medicus crederetur, si unquam invalidus fuisset ipse, & ut victorem suprema in senectâ lapsu exanimatum, a Plinio laudatum accepimus. Hippocrates vero Medicos vult esse carnosos, & optimi

*l. 7. cap. 31.
d. Medico.
text. 1.*

coloris, quod male dispositi aliis minus commode auxiliari possint; & Galenus ita Medicos instituit, ut sese ab omni morbo, præterquam a diaria forte febre ad extremum usque vitæ præservare possint; in illos vero qui de sanitate tuenda scribunt, ac differunt, nec se ipsos quidem defendere a morbis perpetuo posse, ut ipsis objiciatur: ἁλλῶν ἰατρὲς, αὐτὸς ἑλκεσι βρωῶν, acriter invehitur, sicut & Jeremiam Thrivierium, Lovaniensem penes Jo. Bohnium dixisse legimus, nihil infelicius esse Medico ægrotante, omnibus quod in ore sit tritum illud: Medice cura te ipsum. Servius certe Sulpitius M. T. Ciceronem serio hortatur, malos ne imitetur Medicos, qui in alienis morbis profitentur, se tenere medicinæ scientiam, ipsi se curare non possunt, sed potius quæ aliis tute præcipere solet, ea ut sibi subjiciat, atque apud animum proponat. Plato ex adverso Medicos contendit fieri excellentissimos, si a pueritia artem discere auspicati cum plurimis ægris versati ipsique omnes morbos experti natura quoque imbecilles sint, quod cura morborum non corpore sed animo perficiatur. Hujus sane ad mentem Sylvium Batavorum Aesculapium aliquando in votis habuisse accepimus, ut plerosque morbos in se ipso experiri posset, dummodo exinde sana mente convalesceret, ut de hominum affectionibus in proximi commodum constanter judicare, morbosque certius depellere posset. At vero tantam miseriam, ista qui referunt inclyti Medici Vratislavienses, sibi non optant, sed cum Wilhelmo Ten Rhyne, qui hæc de Sylvio narrat in de-

*L. 5. c. 1. de
san. tuend.*

*L. 1. de off.
Med. c. 4.
p. 53.*

*L. 4. epist.
famil. 5.*

L. 3. de Rep.

*Hist. morb.
Vratisl.
1709. p. 104*

descriptione febris cardiacæ a semet ipso passæ ostentationem hic quandam fuisse suspicantur, illud tamen, addunt, nostrum est desiderium, ut docti „ Medici morbos quos ipsi patiuntur accurate describant. „ Hoc certe desiderium ut alta mente repositum aliquamdiu hæsit, ita ut eidem ex parte fiat satis, eo laborabimus lubentius, quo certius constat, spartam hanc ab aliis derelictam vacuumque esse; cum de morbis eruditorum in universum, de concionatorum & religiosorum, Principum, aulicorum militum, nautarum, opificum, rusticorum valetudine, ab aliis, de JCtorum vero morbis a D. Præsidente in ep. ad Virum illustrem Z. C. ab Uffenbach singulari labore actum, & qui de prioribus exposuere, autores ibidem justo ordine enarrati sint. Hic vero novos plane morbos, & ab aliis toto quod ajunt genere discrepantes nemo sanæ mentis quæret, aut ut ostendantur, expectabit, cum Medicos pariter ac JCtos & Theologos litteratosque in universum omnes, Principes, milites & nautas, variosque opifices & rusticos homines esse constet, a quibus humani nihil alienum existimandum est. Sed quando vitæ genus varium, & varia hominum conditio variis eos morbos opportunos reddit, non alienum videtur A. C. Celsi ad mentem exponere, quod genus adversæ „ valetudinis in quoque timeri maxime possit. Non „ quod non omni tempestatum genere, omnis ætatis, omnis habitus homines per omnia genera „ morborum & ægrotent & moriantur; sed quod „ frequentius tamen quædam eveniant, ideo utile „ est

*de morb.
JCtor.*

*Med. L. 2.
pref.*

est scire unumquemque, quid & quando maxime caveat. In ingenti vero dicendorum quæ occurrat, sylva, talem ad desiderium Vratislavientium servare juvabit selectum, ut vel propriis Medicorum, vel qui iisdem proxime adstiterunt, verbis valetudinem eorum exponamus.

II.

Initio quidem illud negari nequit, ex omni retro memoria plura occurrere Medicorum longævorum paradigmata, ut longam istam seriem a Viris Cl. H. Meibomio & J. J. Baiero suppeditatam magna exemplorum haud e trivio petitorum accessione locupletare in proclivi esset. Quod dum brevitatis studio scientes ac volentes intermittimus, non possumus tamen illos sicco præterire pede, in quibus singularia quoad causas præsertim occasionales, & vitæ longæ præsidia proprio vel aliorum iudicio occurrunt. Medicamentis hic multi multa in acceptis tulerunt provide usurpatis, quam in rem Pythagoram, qui plura inter alia artem quoque medicam excoluisse fertur, aceti squillitici familiari usu ad 117 annos vitam incolumem produxisse, Galenus auctor est. Marcum vero Gallum Caroli V. Cæsaris Medicum, aquæ vitæ cujusdam beneficio annos 124. vixisse, & Hieronymum Brunsvicensem tabulato cuipiam ex rhabarbaro & aromatibus composito adfuetum, ejus ope ad annum ætatis 110. illæsa valetudine pervenisse, ab Henr. Ranzovio relatum accepimus. Hieronymus Fabricius ab Aquapendente, singulis fere diebus scrupulum semis pilularum

de

ep. de Longæv.

ep. de Longæv. Med.

L. III. 205. de Medt. facile parabil.

de cons. valet. p. 127.

de aloë rosata assumens firmiter sibi & aliis persuadebat, esse hinc, quod vegetus & sanus ad supremam senectutem duraverit, ut in vita ejus, & a Jo. Joannio relatum est. Nec desunt, qui arcanorum & panacearum ope vitam ad centenos, imo ultra mille annos in nonnullis horum patronis productam fuisse gloriantur, ut penes J. J. Baierum videre est, quos studio mittimus, ne fumum pro veritate vendere videamur. Nicolaus vero Leonicens Vicentinus, Orator, Philosophus & Medicus eximius, ut in Scalligeranis refertur, ab ipsis incunabulis ad trigessimum usque annum morbo comitiali adeo fuit tentatus, ut pertæsus vitæ, pene sibi manus inferret, sed postquam sedulo ad studia se converteret, Philosophiam & Medicinam cum humanioribus litteris conjungeret, plane eo malo defunctus, omnibus membrorum ac sensuum officiis integerrimus nulla morbi vel suspitione ad nonagesimum quartum annum pervenit. Is rogatus a Paulo Jovio, quonam artis medicæ uteretur arcano, ut tanto cum corporis animique vigore senectutis vitia eluderet? vividum inquit ingenium perpetua vitæ innocentia, salubre vero corpus hilari frugalitatis præsidio, facile tuemur. „ Ejusdem ope præsidii Galenus, qui variis locis naturalem suam infirmitatem fateatur, adhibita nempe diligenti exercitationis cura, tum ne cruditate laboraret, ita se correxisse, scribit, ut vix unquam morbo fuerit conflictatus. Qua ratione, si nonnullis credimus, vitam in centesimum & quadagesimum annum prorogavit: quamvis
Sui-

*L. de util.
pil. aloët.
cap. 8.*

l. c. p. 14.

*elog. doct.
vir.*

*L. d. Bonit.
& vit. succ.*

*Lexic.
chronol.
elog. Gal.*

*de vit. Phil.
los. l. 5.*

*Act. Med.
Berol. dec.
2. vol. 3.*

*de pras. sa-
nit. p. 14. 18.*

L. 2. ep. 1.

Suidas & Phil. Labbe eum septuagesimo ætatis anno mortuum, affirmet, & Theophrastus Eresius eodem usus adminiculo senex obiit cum modice a laboribus quievisset, quod de illo Diogenes Laërtius commemorat. Et ut plura mittamus alia hujus rei exempla, de Martino Weisio trium electorum Brandenburgicorum Archiatro in vita ejus narratur, quod tenera semper corporis constitutione præditus nihilominus bono vitæ regimine ætatem ad 88 annos vegeta valetudine perduxerit. Ut vero frugalitatis & victus modici atque exacti post Deum O. M. non postremæ sunt partes in conservanda & proroganda Medicorum vita, ita non desunt exempla Medicorum longævorum qui hæc & similia diætæ præcepta insuper habendo ad extremam nihilominus senectutis metam pervenere. Sicut de Felice Platero, Medico Basileensi octogenario C. Vaterus refert, quod somnum meridianum, plerisque Medicorum culpatum in delitiis habuerit, ac de Joanne Langio, V. electorum Palatinorum Archiatro, qui longinquas suas peregrinationes & varias ærumnas graphice satis descripsit, constat, ipsum octogenario licet majorem nunquam a caseo, cujus nequitia multis infesta est, in pastu quotidiano abstinuisse. Secus ac Simon Pauli, quem 77 æt. anno animi vigore haudquaquam imminuto, nec ullo modo sensibus vel minimum labefactatis leni via placideque ex hac vita discessisse novimus, de se ipso scriptum reliquit: „ ego præter- „ quam a cucumeribus conditis ætatem abstinui, „ idemque esu fungorum, terræ glandium, tuberum flo-

floris solis canadensis, aliis artischoki dictorum, „
 cochlearum, ranarum denique: nolui enim esse „
 prodigus valetudinis, adeo ut minime falsus sit „
 Seneca L. de Brevitate vitæ statuens: nos non ac- „
 cepisse brevem vitam, sed nos facere. „ Augusti- „
 nus vero Thonerus, Medicus Ulmenfis ita de semet „
 ipso scriptum reliquit: Cum jam excefferim an- „
 num 82 adhuc fruens *εὐκτασία* corporis & mentis, „
 ut senectam illam haud imbecilliolem sentiam, „
 quam olim erat adolescentia, non minus videor „
 ob grandiolem ætatem in limine lethi constitutus. „
 Cujus quidem longævitatís causas belle admodum „
 ab ipso expositas videre est. Caspar quoque Hoff- „
 mannus Medicus Altorffinus celeberrimus annum „
 71 æt. vivendo complevit, qui, ingravescente sene- „
 ctute, cum vires inciperent decrefcere, assiduitas ta- „
 men in docendo nequaquam decrevit. Manebit, „
 inquiebat, verum Prophetæ illud: Maledictus, qui „
 facit opus Domini negligenter, invalescente tan- „
 dem & vires plane prosternente, lectoque ipsum „
 defigente senectutis, quæ ipsa morbus est, *ἀδυναμία*. „
 Ut vero laborum & exercitationum assiduitas ho- „
 mines, figillatim Medicos firmos, robustos, atque „
 longævos reddit, ita & iisdem causis attriti succum- „
 bere tandem coguntur, id quod Parisiensium exem- „
 plo medicorum, Alain, Bouward, Guillemeau, & Re- „
 nati in primis Moreau præclare Guido ostendit Pa- „
 tin, quem quippe appellat l'homme d'honneur, „
 et de grande merite, qui est mort de vieillesse, et „
 de trop de travail, age de 72 ans, son immoderation „

*Quadrif.
 Botan.
 p. 472.*

*Obs. pref.
 l. 3. obs. 173.
 l. 1. ep. 4.*

L. 1. ep. 24.

*Acad. des
Scienc. et
des Arts
P. II. l. 2.
1776*

„ a l'étude l'a fait paroître vieux avant le temps; & porro de eo refert: „ il est mort faut de boire. Sic & de Nicolao Copernico Torunenfi, famosissimo Mathematico artium & medicinæ Doctore, Isaacus Bullart ita loquitur: „ Si la grace avoit repandu ces dons en son ame, la nature avoit aussi employé le siens a former son corps: car autre la richesse de sa taille, et la bonte de son visage: elle l'avoit pourveu d'une complexion si temperee et si vigoureuse, qu'il mourut accablé de la fatigue et de ses longs travaux plutot que du sentiment d'aucune maladie, ce qui advint l'an mille cinq cens quarante trois, en la soixante et dixieme de ses années. Ac ne in cumulandis his similibusque exemplis nimii simus, unius Petri Foresti Medici in Batavis præclarissimi, mentionem facimus, de quo idem Is. Bullart sequentem scripsit in modum: „ Il se retira a l'exemple de Galien en sa ville natale, où accablé de ses longues veilles il trouva son repos dans le tombeau age de soixante quinze ans.

III.

Videlicet ut plures dantur causæ secundæ, quæ Medicos figillatim longævus reddunt, quas inter laudabilis & nativa temperies, partium solidarum robur & fluidarum justa crasis, frugalitas in victu, in rebus omnibus mediocritas, & animi in primis corporisque exercitationes moderatæ, nunquam intermissæ primas facile tenent, ita non desunt ex adverso tales causæ, æque occasionales, talia temporum interstitia, quæ Medicos præ reliquis, infirmitatibus mor-

morbis & ærumnis variis opportunos reddunt. Præter enim medicos clinicos sigillatim dictos, qui ex quotidiana & familiari cum ægrotis consuetudine multas simul molestias devorare coguntur, non desunt, qui studiorum intemperie laborant: dantur medici aulici, & qui Principem suum in itineribus & castris comitantur, nec desunt qui anatomicis, chirurgicis, botanicis, chemicis exercitiis præ cæteris delectantur, ipsamque artem obstetriciam, magno generis humani emolumento, sed propriæ sanitatis detrimento exercent. Singuli suos patiuntur males. Et obstetricantium quidem Medicorum eandem patet esse conditionem, quæ est obstetricum, fuse satis a B. Ramazzini delineata; idemque de chirurgis, si qui ex medicorum ordine artem hanc antiquissimam & præstantissimam propriis exercere manibus ament, prædicandum erit. Anatomicæ sigillatim exercitationes idcirco nonnullis sunt suspectæ, quod immunditie, horrore & terrore non paucis fuerint exitiales, sicut de Wolfgango Striegelio Viennensi, D. Fabro Vinariensi, & Marquardo Slegelio Hamburgensi personatus iste Ianus Vitus Wigandus affirmare non dubitat, singuli quod finitis vix anatomicis demonstrationibus morbo gravissimo & funesto correpti fuerint, quamvis Slegelium jam antea de adversa valetudine conquestum & falsum adeo istum esse rumorem T. Bartholinus ostendere conetur. Ludovicum certe Bilsum S. Mœresius aliquando in lecto decumbentem offendit catarrho ex fœtore in sectionibus canum, quorum

*d. M. A.
c. 19.*

*Oper. 4.
p. 6.*

*d. Philiatr.
Germ. itin.
diff. 2.
p. 156.*

*Cent. 2.
p. 25.*

*Ars magn.
Anat.* 47.

l.c. P. II.

l. 2. p. 88.

*Intr. A. M.
c. 4. §. 29.*

*P. P. ad
lect. phys.
botan.*

1718. *LIX.*

p. 813.

Coll.

chir. MSt.

præter sexaginta cadavera humana supra mille dissecuisse fertur, teste Zaffio, contracto laborantem, ut est ab ill. J. H. de Heucher observatum. De Andrea Vesalio Bruxellensi, Anatomicorum facile principe, & Philippi II. ac Caroli V. Archiatro constat, quod e Palæstina, in quam ob vivorum sectionem & pœnam inde metuendam profugisse fertur, redux & Paduam, ut Gabrieli Fallopio ex decreto Senatus veneti succederet, in itinere occasione tempestatis furiosæ naufragio correptus fame & frigore misere obierit, ut alios inter ab Is. Bullart est commemoratum. De Jo. Georgio Virsungo, ductus pancreatici inventore Hermannus refert Conringius, quod paulo post ab italo quodam invidia percito in suo museo sclopeto trajectus sit. Sic & Robertus Morison Lector & Professor Oxoniensis casu infelici Londini e rheda præcipitatus vitam præmature finiit, ut a M. B. Valentini est relatum, & J. P. Tournefortius præter varios alios casus, quos in longinquis peregrinationibus rei herbariæ causa factis expertus est, fractura costarum composita a curru arcto nimis spatio in platea ipsum prætervehente correptus & extinctus est, sicut præter A. E. L. G. J. J. Rau fidem facit. Ut constet nec morbonam ipsamque mortem ipsis botanicorum principibus parcere, aut rei herbariæ deliciis placari. Nam & Mauritium Hoffmannum, insatiabilem quondam rei botanicæ & anatomicæ belluonem ita enervasse fatigationes nimias, ut ex Italia redux videretur ab inferis remeans umbra, certo certius mortalitatem exuturus, ni D. Nœsleri ope-

opera, Deo Reipublicæ litterariæ bene cupiente, ægre tandem vigori pristino esset redditus, & Simonem Paulli botanicum insignem Hafniensem in excursionem botanicam sinistro casu fere crurifragium passum esse laudatus ante Wigandus refert. Ac ne de Valerio Cordo aliisque similibus malis ex causis similibus afflictis plura faciamus verba, chimici faciunt labores, qui quantum non raro damni improvide imprimis tractati afferant, a B. Ramazzini egregie ostensum & exemplis non unis confirmatum est. Theophrastus certe Paracelsus, qui ut Salisburgi in ejus epitaphio legitur, dira illa vulnera, lepram, podagram, hydropisim, aliaque insana bilia corporis contagia mirifica arte sustulit, anno æt. 47. diem obiit supremum, & proprio adeo exemplo arcanorum & panacearum, quas venditavit, vanitatem docuit, & si conjecturæ locus est, inter carbones chimicos devorata molestiæ, tot inter venena concocti labores, vel, si alios audias, dysenteria a scobe adamantis contracta obitus præmaturi causa extitit. De Michaële Ettmullero magni certe nominis Medico & Chimico Lipsiensi sed *βραχυβίω* tum ipse tum Lexicon universale historicum, tum laudatus modo Ramazzini, de Scheunemanno vero arcanorum vanitate capto, sed ipso valetudinario, & calculi arthriticisque doloribus alternatim afflictio, Gvernerus Rolfincius consuli merentur. A fumo sigillatim antimoniali occasione præparationis antimonii diaphoretici spirando pulmones illapsi tantam cordis palpitationem, quæ costas frangere velle videbatur, sibi contraxisse Godefr. Scultzius refert.

l. c.

l. c. c. 40

Op. edit.
noviss.

P. III.

p. 436.

Chim. A. F.

red. p. 52.

Tr. de Nat.
tinct. BeZ.

c. 5.

IV.

IV.

*L. de Bre-
vit. vita
c. 19.*

Pref. obs.

*L. 2. ep.
p. 258.*

Obs. MSt.

*Amœnit.
exot. fasc.
2. rel. 9.
p. 382.*

Quemadmodum autem Seneca miserrimam eorum pronunciavit conditionem, qui ad aliorum voluntatem componere suas occupationes, somnum, appetitum, jubentur; ita Philippus Höchstetterus idem ad Medicorum pragmaticorum conditionem pulchre admodum applicat hisce & quæ sequuntur verbis, lectu plane dignissimis: „ Nos „ omniibus laborem, cibum, potum, somnum in me- „ diocritate esse jubemus, idem nobis nunquam „ quasi conceditur. Eandem vero ob causam au- „ licorum inprimis & castrensium Medicorum sortem deplorandam esse, patet, quam Jo. Crato trium Im- „ peratorum Medicis ita describit: „ Solis jam 14 annis „ alieno modo mihi vivendum fuit, edendum, labo- „ randum, somnus capiendus, non quod natura & vo- „ luntas hoc postulare, sed cum Dominis visum fue- „ rit, ubi igitur exacta illa diæta? cum & stare, nuta- „ re, expectare, elogio Wedeliano sint affectiones au- „ læ ordinariæ. Ita de G. Palma celebri Noribergen- „ sium Medico, & Ducis Papebergenensis Archiatro a „ Joachimo Camerario relatum est, eum tabulæ Prin- „ cipis convivam adfidentem flatibus præter opinio- „ nem subito exortis, & præ verecundia retentis cru- „ ciatum, maloque brevi aucto iliaca passione confe- „ ctum esse. Peregrinationes vero quod concer- „ nit, singulare est, Engelberto quod Kæmpfero in iti- „ nere orientali satis longinquo contigit, quodque oc- „ casione memorabilium montis Benna, in Persidis „ provincia Laar, quo ad lapidis Bezoar, aliorumque „ natu-

naturalium indagationem non sine multo labore profectus erat, sequentem describit in modum: Devenimus cum diluculo diei decimi octavi ad xenodochium in deserto positum, & semidirutum ardentibus ventis, immane quantum hic sævientibus, opposui lodiculam in modum papilionis expansam, quam subinde intus humectavi, ut continuo maderet: ita enim aër admiranda proprietate algescit, & corpus contraria qualitate afficit. Accidit mihi, quia levi theristrio induebar, ut quam partem corporis lodice humida crebrius attigerat, in eadem postridie omnis cuticula quasi ustulata abscederet: eodemque loco infirmitatis, sed innominatæ aliquoties meminit., Castrensi morbos medicorum nemo vivis magis coloribus depinxit, & exemplorum numero auxit, quam Tobias Coberus medicus ipse Castrensis exercitatusimus. Georgius Francus cum Domino suo Georgio III. Electore Sax. in castra imperialia ad rhenum concedens parum abest, quin una cum filio periret castrensis morbi vehementia, aut potius laborum tam strenue actorum magnitudine; Dei tamen benigna ope, quamprimum ad Helvetiæ fines esset deventum, uterque serenioris & magis defœcati aëris tractu mox convaluit, ut a Vindiciano eleganter expositum est. Andreas Gundelsheimerus, & Swartzius, Archiatri Borussici, Regem suum in expeditione bellica Pomeraniam secuti, quo morbi funesti genere tacti, quibusque remediis usi sint, in Actis Medicorum Berolinensium videre est, a quibus

*Obs.
castrenf.
Hungar.*

*elog. G.
Franci*

Vol. I, p. 18.

Vog-

- Vol. 9. p. 31.* Vogtii ibidem quod refertur, exemplum, non multum abludit. Petrus Lotichius Secundus & Rudolphus Wilhelmus Crausius in itinere Italico philtum malitiose sibi propinatum hauserunt, haud sine ingenti valetudinis detrimento, ut in vita eorum legere est. Johannes vero Nollens, Medicus Leodiensis, „ teste Henrico ab Heer sumto suo vomitivo, „ „ lam vocant, totas triginta horas convulsus ad non entes abiit. Hic certe an quæ de Cornuto suo Guido refert Patin, valeant, incertum: il est mort du même couteau, dont il avoit egorge les autres, „ „ savoir de juleps cordiaux des tablettes & poudres „ „ cordiales. Et quæ de Vautier Regio medico affert, eodem forte, quo sequentia pro more, Auto- „ „ ris Satyrico sale conspersa sunt: „ „ nous avons icy „ „ quatre de nos medecins bien malades, dont il y en „ „ a deux de la premiere estime, sçavoir Mr. Rein- „ „ fant et Pietre, ceux qui vont trop vite sont sujets „ „ a se casser le nez. Le bon Martial n'a t' il pas eu „ „ raison de dire: Immodicis brevis est ætas & rara „ „ senectus. Quibus cum paria faciunt ista Ramaz- „ „ zini, primo licet intuitu pugnare invicem visa: „ „ multo mitius cum Medicis res agitur, clinicis ta- „ „ men & lecticulariis, quorum studium præcipue est „ „ circa medicam praxin & quotidianam ægrorum „ „ visitationem; hi enim non tot morbis conflictan- „ „ tur, ac si aliquando ægrotant, non sedentariæ aut „ „ statariæ vitæ, ut I. C. sed cursuali acceptum refe- „ „ runt, & quæ sequuntur plane egregia, & lectu dignissima.

V.

Ut vero plures aliæ morborum in medentibus causæ occurrunt, ita nullam contagio frequentiore deprehendimus, utpote quo mediante omnis generis febres maxime contagiosæ & malignæ ipsaque pestis & dysenteria propagantur, ipsisque medicis communicantur. Et febrim quidem hætenus Poëtis, nunc quoque Medicis infestam suo confirmat exemplo H. C. Agrippa verbis pone sequentibus:

Ante triduum febris laborare cœpi. Desinat nunc „ *L. 7. ep. 47.*
Huttenus, olim communis noster, febris succensere, „
quod poëtam liberum genus hominum invadere „
ausa sit. Jam & medicis negotium faceffere di- „
dicit. Quid jam ego nisi creberrime audio, Me- „
dice, curate ipsum: vel, alios salvos fecit, se nunc „
liberet, si est Dei filius, & credemus ei. Ovidium „
jam mihi renasci cupio, qui diris in febrem scri- „
ptis meam innocentiam ulciscatur. „ Quæ eadem
Martialis mens fuisse videtur, ita canentis:

Nequius a Caro, nil unquam Maxime factum est,
Quam quod febre perit; fecit & ille nefas,
Sæva nocens febris saltem quartana fuisset,
Servari Medico debuit illa suo.

L. 10. ep. 77

Ne vero in colligendis exemplis passim obviis febrium algidarum medicis molestarum operam temere perdamus, unius J. N. Pechlini recordamur, qui de febre tertiana duplici, quotidianam sæpe mentiente, hanc tamen idcirco non penitus negandam in proprio corpore expertus est, id quod hisce prodit verbis: At mihi non in aliis tantum, sed in „

C

ipso

- „ ipso hoc corpore per varia olim febrium genera
 „ deducto, tandem etiam quotidianæ exquisitæ im-
L. 2. obs. 20. „ petum sustinere concessum est. Conringium et-
 iam olim incomparabilem virum & πολυμαθές αἰσθον,
 ex tertiana ægrotantem non remediorum appara-
 tus, sed conceptum ex magni Meibomii sermonibus
 gaudium unice restituit, quod ex insignis generi
L. 3. obs. 27. ejus D. D. Schelhameri ore ab eodem Cl. Pechlino
 litteris consignatum est. A febribus vero acutis,
 malignis & contagiosis, petechialibus quoque epi-
 demice grassantibus, non facile Medicum quendam
 insignem, eumque pragmaticum immunem mansis-
 se deprehendimus. Nam & P. Forestum, A. Tho-
 nerum, P. Höchstetterum, S. Schefferum, J. A. Linde-
 nium, F. de le Boë Sylvium, J. Dolæum, G. W. E. H.
 & C. Wedelios, N. Hannekenium, M. B. Valentini,
 T. Zuingerum, febribus malignis laborasse, nonnul-
 los & vitam iisdem finiisse, memoriæ proditum est.
 Pestilentiam ipsam veram Noviomagi populariter
 grassantem Isbrandus de Diemerbrock in proprio
 corpore expertus est, & diligenti fumi miotianæ
L. de peste usu, ipse ut fidem facit, propulsavit. Sic & peste
hist. 17. Londinensi Alexander ipse Thomson correptus,
 quid secum actum fuerit, pulchre in Historia morb.
1702. p. 235 Vratisl. expositum est, peste vero Lipsiæ sæviente in
 uno medicorum pestilentialium urinam cruentam
 mox ipsa mors compescuit, teste Jo. Bohnio. Guili-
 elmum quoque Arragosium Tholosatem, aliquot
ep. ad F. Galliæ Regum chymicum expertissimum, qui o-
Schrader mnem sibi victum, antequam caperet, mensurari
de pest. cu-
Lips.

curavit, 1610. 97 æt. annum feliciter emensum pesti-
fera lue obiisse, T. Zuingerus non minus autor est,
ac quod circa initium sæculi XVII pestis Basileæ
intra biennium ultra sex hominum millia, & quin-
que simul medicos, inprimisque Jacobum Zuinge-
rum abavum suum abstulerit. Pestem vero Lon-
dinensem 1603. in hebdomadas singulas quatuor ho-
minum millia tumultu intulisse, extinctis quinque
præcipuis medicis, inter alios T. Mouffeto in me-
diam pestem conjecto, H. ab Heer fidem facit. Au-
gustæ Vindelicorum 1678. febrim primo malignam,
pestis anteambulonem sæviisse, ac multos omnino
interque illos nonnullos egregios medicos perdidis-
se, P. Höchstetterus pluribus exponit: idemque in
peste nupera Hamburgensi, Viennensi, Ratisbonensi,
Hafnienfi, ipsaque Massiliensi nuperrima contigisse,
nemini non notum est, ac de medicis sigillatim Mon-
tispeffulanis Annales Vratisl. consuli merentur. Ac
ut plura mittamus alia peste correptorum extincto-
rumque Medicorum, exempla, & Petrus Severinus
Danus, & Marcus Aurelius Severinus Neapolitanus,
magni uterque nominis, uterque peste interiit, idem-
que Daniel Sennertus, communis quondam Germa-
niæ magister, expertus est fatum. Tot maximos
nimirum Medicos, & ante nostrum sustulit pestis,
ut sit difficile numerum inire. Hac Gesneri, hac
Capiuaccii, & illi Herculei Saxonix, ne cæteros
nominem, mortalium cœtibus exempti sunt. Ac
tantum abest, quicquam eorum id detrahat glo-
riæ, ut augeat plane atque amplificet. Quasi alio

*de vita
longæv.
p. 67.
Sichr. und
geschuv.
Arzt
p. 772.*

Obs. p. 135.

*Dec. 7. cas.
1. schol.*

*1722. Aug.
p. 16.*

Or. paneg.
Dan.
Sennert.

Obs. p. 157.
Op. p. 232.
de nox.
stud. l. I. ep.
p. 252.
etcodr.
p. 880.

Palastr.
med. p. 188.

„ morbi genere magni antistites vitæ nequierint,
„ perimi, ni perniciosissimus omnium, & qui plus ali-
„ quid, quam morbus, supervenisset, quæ sunt Au-
gusti Buchneri, quibus optimo Collegæ ultimum
vale dixit, verba. Dysentericorum vero Medico-
rum, ut ingens occurrit numerus, ita Avenzoar, Me-
dicus Arabs, de se ipso recitat historiam, quod in iti-
nere comederit herbam, quam non nominat, ex qua
factus fuerit dysentericus. Angeli Salæ dysenteri-
ci A. Rhodius, Coxe vero Angli dysenteria acutis-
sima laborantis T. Sydenhamius, Casparis Hoffman-
ni G. Francus, Collodæi Lithotomi Guido Patin.,
Baumanni vero Physici Hallensis Suevi & Practici
Veterani, dysenteria extincti Rosinus meminit Len-
tilius. His sane idem, quod J. P. Lotichio evenit, qui
ex visitatione ægrorum dysentericorum loco nostri
contagium accepit, ut ex propria ejus observatione
Laurentius Straussius annotavit.

VI.

Apoplexia ut familiaris est eruditorum mor-
bus, ita & Medicorum plurimos, senio præsertim, la-
boribus aut morbis diuturnis & gravissimis confe-
ctos corripere nec pauciores letho tradere consue-
vit. Ita præter Nicolaum Biesium, Lovaniensem,
Henricum Bruçæum, Rostochiensem, Janum Cor-
narum, & Jo. Hadrianum Slevogtium Jenenses, Jo.
Ruellium Parisiensem, Jodocum Willichium Fran-
cofurtensem, Jo. Michaëlem Lipsiensem, Julium An-
dream Böttcherum Helmstädiensem, Professores,
Balthasarem Brunnerum Hallensem, Jo. Sambucum,
Me-

Medicum Cæsareum & Poëtam, Jo. Scultetum & Jo. Danielem Horstium, Physicos Ulmenses, Ludovic. Septalium Mediolanensem, & Marcellum Malpighium Bononiensem, quos omnes apoplexia extinctose esse constat, de Hieronymo in primis Fracastorio in vita ejus relatum accepimus, quod inter prandendum Patavii apoplexia correptus, amisso penitus sermonis usu manu subinde in verticem porrecta, adstantibus innuere voluerit, ut celeriter cucurbitula ibi apposita cerebro succurrerent, quo remedio se quandam vestalem virginem restituisse meminerat, id vero cum isti non intellexissent, sub noctem expiraverit. Apoplexiam cum memoriæ defectus aut sequi aut comitari soleat, singulare est, quod de se ipso J. N. Pechlinus scriptum reliquit: Mihi certe & ipsi „ cum in memoriæ illo deliquio tardum contigit „ in feriis excutiendis negotium, post habitas e cathedra controversias sæpe ad subtilia & aliena dilabentes, unius alteriusque scrupuli animosa explicatione vocis viriumque tanta sæpe oborta est „ jactura, ut deinde nec animus nec corpus ulli amplius operæ sufficere videretur. „ Spasmodici affectus haud quotidianum præbet exemplum Jo. Laur. Bauschius, Physicus Suinfurtensis, Academiae Naturæ Curiosorum fundator, qui, ut in vita ejus legitur, dolorem quendam pungitivum, sensiles maxillæ dextræ partes acriter vellicantem expertus est, mitiorem initio & per intervalla tantum molestum, sed mora profundius actis cuniculis, in tantum aliquot annorum spatio invalescentem, ut lecto illatus

L. 3, obs. 6,

vix

*Exercit.
pract. p. 533.*

vix loqui imo nihil plane solidioris deglutire posset, immanibus sub maxilla & cerebri sensorii doloribus divexatus, quibus & tandem succumbens atrophia accedente vitam cum morte commutavit. Tremorem digitorum singularem a causa singulari expertus est F. Dekkerus, quem sequentibus describit verbis: „ Observavi t. t. in me ipso quod notatu dignum, frequentioribus visitationibus, ac medicamentorum præparationibus summe defatigatus, radicum controyervæ filamenta cum abscinderem, ut in pulverem redigerentur, subito & quasi momento tremorem omnium digitorum manus dextræ sensi, quare confestim omnibus missis digitos manumque spiritu cephalico, salis armoniaci spiritu parum acuato fricando & calefaciendo tollere tremorem studui, verum frustra: non enim cessavit ille digitorum tremor per duas fere horas, tum vero postquam omnis sensus quasi expertes fuissent digiti, per quadrantem horæ omnis tremor evanuit, nullo remanente dolore obtuso vel defatigatione; post biduum eadem filamenta abscindens, idem digitorum tremor rediit, sed levior, triduo post tertia vice experimentum feci, & tremorem, sed plane exiguum, quarto plane nullum observavi. Neque a doloribus capitis immunes sunt medentes, sed iisdem satis graviter interdum afficiuntur. Galenus magnopere laudat Medicum, qui quinquagenarius in cephalalgia nocte sibi venam inciderit, ut Jo. Langius auctor est: L. Geislerus dolorem capitis periodicum in se ipso expertus

*L. I. ep. p.
155.*

tus est, C. Vatero teste. De D. Videl doctissimo medico simul & mathematico Petrus refert Borellus, quod stomachus ejus tantabilis copia refertus fuerit, ut vapores ejus hemicraniam tædiosam in eo producerent, utque sæpe vomitu illam rejicere conaretur, quo mire subitoque levabatur, dum autem illam in terram ejiciebat, bulliebat instar aquæ fortis, quod certe mirum est, & a nemine, quod sciam, scriptis mandatum. Philippus vero Salmuthus de se ipso sequentem scribit in modum: Semel acerbissimis capitis doloribus tentatus sum, ita ut per integrum triduum duo domestici manibus suis illud noctesque & dies continere æqualissime cogerentur. Tandem suppressarum hæmorrhoidum forte recordatus pil. de hiera simpl. 35. cum euphorb. gr. III. deglutio, atque intra horæ unius spatium frustum sanguinis concretum palmam æquans excerno cum manifesta & momentanea statim allevatione postea vero & alia, sed minora frustula secuta fuere. Dentium dolorem Carolus Piso quanquam non diffitetur, aliquando ab aliis posse suboriri causis, tamen ab eluvie ferosi humoris e cerebro decumbente eum creberrime imo fere semper succrescere statuit, proprioque confirmat exemplo, quando sumto cathartico feri limpidi libram vomitu cum levamine reddidit, odontalgia ante molesta decem annorum spatio non redeunte. Epilepsia Avicenna Arabum Medicorum princeps, sed non tam artis aut exercitationum culpa, firma enim valetudine gavissus est, quam libidinibus

*de dolor.**g. 17.**Obs. phys.**med. cent. 2**Cent. 1. Obs.**LXXIII.**de morbis**a colluv.**feros. p. 43.*

Dec. I. vol.
6.

1673.
obf. 100.

1699. p. 15.
66. 95.

Pol. to. II.
p. 60.

bus contraxit, unde exhaustis viribus morbo sacro diem obierit supremum, ut in Actis Med. Berol. legere est. Oculorum usum ipsumque visum aut obscuratum aut plane sublatum ut multi variis laboribus fracti cum Ulysse Aldrovando, Joanne Borgeio, Avenzoare experti sunt Medici, & Hannemanni Plempii, Plateri, Bartholini cataractam metuentium exemplis constat, ut in Actis Medicis Hafniensibus refertur, itemque apud Henricum ab Heer anonymus quidam Medicus radiis lunæ excœcatus sed curatus occurrit, nec D. D. Preussii & Oehmbii ophtalmia afflictorum in Historia morb. Vratisl. recensita exempla contemnenda veniunt; ita memorabile imprimis Jacobi Schegkii, Professoris Tubingensis est paradigma, utpote qui integro ante mortem decennio visu penitus privatus studia majori alacritate prosecutus est, & varios tractatus medicos edidit: cumque quidam ophtalmicus sese eidem visum restituere velle, pollicitus esset, respondit, se multa in vita vidisse, quæ maluisset non videre, optare se, ad nonnulla etiam surdum fuisse, ut in vita ejus, & a D. G. Morhofio relatum legimus. Linguae vero morbos utut rariores, neque tamen Medicis parcere, tum Adolphi Vorstii, Professoris Lugduno-Batavi, & A. Mackii, Archiatri Swartzburgici, tum Ottonis imprimis Brunsfelsii, Poliatri Bernensis, exemplis constat, quippe quem ex dolore & ardore linguae morbo tunc ipsis Medicis ignoto 1534. fatis concessisse, in vita ejus narratur, sicut & D. Preus cum affectu paralytico-spasmodico linguae & lateris dextri sæpius recur-

recurrente tractatum esse, in Histor. Morb. Vratisl. commemoratum extat.

VII.

In morbis pectoris pleuritis inprimis & peripneumonia Medicis infesti morbi sunt. Sic Hadrianus Junius, Medicus, Historicus & Poëta doctissimus alterum ab Erasmo Hollandiæ lumen, ex gravi lateris ulcere decumbens vitam cum morte commutavit 1575. æt. 63. mense cognomine: sub mortis tempus Academiæ Lugduno Batavæ nascenti inter primos Professores destinatus, sed inter ipsa initia morte abreptus inchoare munus non potuit, ut Jo. Meursius autor est. Thomas ipse Willisius perpetuis precibus, studiis, laboribus & eleemosynis exercitus, Henricus Meibomius, Daniel Ludovi, Jo. Andr. Stifferus, & Jo. Antonides van der Linden, de quo supra, pleuritidem, eamque lethalem experti sunt, quorum postremum non sine satyrico sale dimittendum censuit G. Patin, obitum ejus ita describens: van der Linden est mort a Leyden age de 53 ans d'une fièvre avec fluxion sur la poitrine, apres avoir pris de l'antimoine, et sans s'être fait saigner. Quelle pitie! faire tant de livre, favoir tant de latin et de grec, et se laisser mourir de la fièvre et d'un catarrhe suffoquante sans se faire saigner. Ad eundem fere modum & morbum & mortem D. Vacherot Medici Parisiensis famigeratissimi idem enarravit G. Patin. Sed meliori fortuna ex hoc morbo eluctatus est J. J. Scheuchtzer, ut omnem rei historiam fuse ab ipso conscriptam.

*Athen.
Bat. p. 93.*

L. 2. ep. 165.

L. 2. ep. 173.

1724. *Jal.*
p. 94.

L. 2. c. 14.

L. 5. c. 10.
de part.
morb. &
symp.
d. Aff. pect.
p. 667.
L. 6. ep. 17.

in Annal. phys. med. Vratisl. legere est. Tussis ut frequentissime & omnis generis homines, ipsosque Medicos impune non raro afficit, ita singulare est, quod de Medico quodam abunde erudito, divexato crebrius a tussi, articulorum dolore, cibi fastidio, aliisque destillantis pituitæ incommodis Nicolaus refert Tulpius, quod quasi pertæsus molestiarum ad antimonium ceu sacram anchoram confugerit; ejus enim usu elicuisse quidem pituitam ex ventriculo; sed offendisse iterum usque eo pulmones, ut dissoluta ipsorum compage eruperit ab ore non tantum frequens sanguis: verum tam ingens pulmonis frustum, ut inde dictum ac factum obierit. Vomica pulmonis latens & inprimis abditum vitium est, sæpe nec laboranti nec Medico notum, quo laborans ipse nec consueta munia intermittit, nec se morbo teneri putat; causamque interitus sui nesciens intus gerit sub pectore, neque pauci inopinato e vivis horæ quadrante erepti sunt, in quibus dissectis non alia mortis causa comparuit, quam repentina vomica disruptio in pulmonibus, e qua pus in cordis arcem penetraverat, ipsius vim extinguens atque obruens: & duo Medici per celebres nec febre nec inappetentia, nec alio ullo symptomate impendentem, sibi diem vitæ supremum præsenferunt, ut Jo. Fernelius apposite satis scriptum reliquit. Sic & Laurentius Bellini se quoque vomica laborasse, tradit. Eodemque morbi mortisque genere tactus sine dubio is, cujus H. C. Agrippa meminit, Medicus anonymus. Empyemate laboravit J. G. Macasius, ut ex

ex Nesterio G. H. Velschius memorat, & Gregorius Horstius filius, Medicus Ulmenſis, empyemate tandem afflictuſ a biennio, rupto pectoriſ abſceſſu, viribuſ ſenſim deſectiſ vitam finiit, ut in vita ejus legitur. Caroluſ Patin polypo cordiſ diu laboravit, tandemque extinctuſ eſt, ut in Germanorum Ephemeridiſ relatuſ extat. Sed non eſt quotidianuſ, quod de ſe ipſo iteruſ Fridericuſ narrat Dekkeruſ: Ipſe, met per ſeſqui annuſ doloreſ tumoreſque pectoriſ circumtuli, veruſ Deo O. M. ſummaſ tandem agere gratiaſ debeo, quod eo ſuſ abſolutuſ. Hæmoptyſi, & quæ eam ſequi ſolet, phtifi complureſ magni Medici, & afflicti & extincti ſunt. Nam ut Hieronymuſ Traguſ, Jeremiaſ Triveriuſ, Johannem Viſcheruſ, Levinuſ Battuſ, Laurentiuſ Scholziuſ, Andream Kragiuſ, Petruſ Kirſteniuſ, Joannem Philippuſ Prateſem, phtifi omneſ aut hectica ſaltem febre e viviſ ſublatoſ ſicco prætereamuſ pede, de D. O. Schraderuſ, Friderici Schraderi filio idem in memoria ejus, quod de C. F. Mentzelio celebri & aulæ æque ac civibuſ Berolin. gratiſſimo Medico in Actiſ Med. Berol. relatuſ legitur. Sic & G. Wirth ſpectatuſ rei medicæ doctoreſ conſobrinuſ ſuū eodem morbi genere obiiſſe, Jo. Langiuſ autor eſt. Ac ſicut de Laurentio Strauſſio, Profefſore Medico Gieſſenſi Collega ejus, J. F. Dilleniuſ refert, quod toto quideſ vitæ curſu valetudine uſuſ ſit ambigua, tenerrima, variisque ſubinde morbiſ interrupta, ac præter cœtera inter initia profeſſionis academicæ hæmoptyſi vix non

Obſ. propr.
p. 150.

App. ad
An. I.
Dec. III.
l. c. p. 507.

Vol. IV. p. 9.

L. I. ep. 40.
p. 173.

Memor.
Strauſſ.

L. XVI.
Obs. 14.

phtisic.
p. 49.

lethali tentatus sit gravissime, indeque ad phtisin inclinans fluxionibus subinde acrioribus, aliisque symptomatibus tentatus tandemque confectus fuerit; ita & de Cypriano Medico doctissimo & Collega suo Petrus refert Forestus, quod melancholia diu affectus longa & diuturna tussi & catarrho tandem in sputum sanguinis, mox & tabem & pulmonis ulcerationē inciderit, ac licet longo tempore vitam protraheret, antequam decumberet, tandem præfidiis nihil juvantibus vix 47. annum excedens vera tabe & pulmonis ulceratione obierit. Phtisis vera autem, ut subjectos sibi clientes ad lethum plerumque comitari solet, ita non vulgare est, quod de patre suo dilectissimo & ipso expertissimo medico Richardus narrat Morton, ipsum nimirum utut continua tussi, respiratione difficili, febribus putridis frequentioribus, levique etsi continuo caloris hectici gradu laborantem vitam licet valetudinariam hoc pacto a XXX. ad LX. ætatis annum protraxisse tandemque non a phtisi pulmonali, a qua per tres posteriores vitæ annos plus quam alias visus est liberari, verum a febre synocho putrida epidemica, quæ 1658. publice per Angliam grassabatur, e vivis sublatum esse.

VIII.

Ut vero phtisis in pectore, ita hydrops in abdomine plerumque sedem fixam agnoscit, qui tamen & ipse pectoris cavitatem ipsumque pericardium non raro occupat. Ita cum „ J. J. Wepferi pulsus esset „ plerumque tardus, interdum inæqualis, sæpius intermittens, exercitatissimi viri animo suspicio aquæ

aquæ s. hydropis pericardii diastolen cordis impe-
dientis altius insedit, & post mortem in quovis la-
tere thoracis libræ tres aquæ limpida fluctuarunt,
cui pulmones coarctati quidem libere tamen in-
natarunt, ut ab illustri ejus genero J. C. Brunnero
memoriæ proditum est. Alias præter Tobiam
Tandlerum Vitembergensem & Petrum Mulerium
Groningensem Professores, Leonhardum Doldium
& Michaëlem Rupertum Beslerum Noribergenses
medicos, J. U. Rumlerus ex hydrope obiit, lienis
præcipue seditione excitata, non tamen ignoto
exitu, ut quem adversas stellarum errantium re-
volutiones sibi comminatas ex astrorum scientia,
qua non vulgariter pollebat, diu præviderat,
ut a G. H. Velschio est observatum. Qui & ipse fama
meritisque celeberrimus Medicus & Polyhistor una
cum Gregorio Nymanno Vitembergensi, Petro Pa-
vio Lugduno-Batavo, Christiano Perizonio Grö-
ningensi, Joanne Gorraëo Parisiensi, Henrico Petræo
Marpurgensi Professoribus, Laurentio Laurentia-
no, philosopho & medico Florentino primum, de-
mum Pisano & Joanne in primis Fernelio melanco-
lia hypochondriaca ex studiorum in primis intem-
perie contracta laboravit, nam de hoc notatu maxi-
me digna videntur, quæ in vita ejus leguntur verba:
in eo videtur iniquior contigisse fortuna, quod im-
becilla sanitate ex studiorum vigiliis potitus lienosus
& decolor perpetuo vixerit: Et fallor annon eodem,
familiari certe eruditorum morbo Thomas labora-
verit Reinesius, quem semetipsum post pertinacissi-
mas

*Memor.
Wepfer.*

*Obs. Rumi.
pres.*

L. XI. ep. 26

*Phys. Zeit-
Vertr. p. 662
L. I. ep. 3.
d. phrenit.
p. 74.*

*Sylog.
Mem.
Med.
Cent. II. 92.*

*L. III.
Conf. 14.*

*L. III.
L. I. ep. 76.*

mas lucubrationes, neglectum capitis muniendi, & tumultuaria per saxa, per ignes, intempestis noctibus, stridentibus austris & coris, itinera expertum esse, ad Casparem perscripsit Hoffmannum. Sicut vero Galenum fuisse somnambulū, & Theophilum in febre tibicines sibi audire visum esse, G. Vogtius perhibet, ita J. B. Helmontius non tamen arcanorum studio nimio, aut intermissæ venæ sectionis culpa ut G. Patin arbitratur, sed usu napelli, teste C. Vatero, phreniticus factus vitæ finem fecit. Colicæ & iliacæ passiones, ut medicis frequenter ex causis communibus eveniunt, ita non desunt exempla eorum, quibus operæ medicæ morbis istis ansam dederunt, ut Joannem Huberum, Professore Basileensem, dum nobilis viri, licet ingrati valetudinem majoris, quam propriam fecit, & ex critico sudore surgens gelidissimo aëri se exposuisset, chordapso correptum septima die expirasse, alios inter J. R. Camerarius fidem facit. Ac ut alia brevitatis studio mittamus exempla, doctori cuidam Medico Francofurtensi remedia contra colicam apta, i. e. carminativa non apto tempore usurpata, eum pene enecasse atque ad extremam maciem redegissee, a C. Hoffmano relatū accepimus. Ut vero abscessum mesenterii acidulis aliisque mediis in proprio curatum corpore Augustinus memorat Thonerus, ita Mr. Prevot, „ un de nos Colle-
„ gues, ut G. Patin scribit, est allè de vie a trepas d'un
„ absces ulcerè dans le pylore, qui luit causoit un
„ vomissement perpetuel.

IX.

Diabetem spuriam in se ipso crebro coralliorum usu curatam & diætâ lactea ulteriorem accessum inhibutum notavit M. B. Valentini; Urinam vero chylosam in Caspare Hoffmanno obviam Historia Morb. Vratils. testatur. Longe vero frequentiora calculi renum & vesicæ, & quæ ipsi sæpenumero juncta est, arthritidis in medentibus occurrunt exempla. Præterquam enim quod XI. Medici Mediolanenses, ut ex H. Cardano J. Schenkio refert urinæ vitiis mortui fuerint, J. Heurnius, J. Pfeil, H. Mercurialis, J. B. Montanus, A. Mirica, A. Dudith, L. Mercatus, P. Wellerus. O. Wormius, C. & T. Bartholini. M. Ogerus, T. C. Krugg de Nidda, J. Rouffel, N. Hannekemius, W. Laurenbergius, T. Sydenhamius, & plures alii diros calculi cruciatu experti sunt Medici. Sic J. Caselius ad H. Arnisæum seq. scripsit in modum: Quotidie invisi „ Henricum Brucæum, virum integerrimum cum „ gravissimis calculi doloribus conflictantem, nec „ minus a Deo obsecrantem vel ipso momento mortalis vitæ, quam acerbissimi illius carnificis exitum. „ Idem vero ut sit votum omnium calculo afflictorum, quo vel medicamentorum vel ferri beneficio ab ejus tortura, liberentur, non eodem tamen eventu hocce bearî votum, experientia loquitur. Licet enim Jo. Martin, Medicus Parisiensis, doctissimus Hippocratis interpretes ferri beneficio a tortore calculo liberatus pristinum ægros visendi vitæ institutum repetierit, ut P. Seguin refert, aliud tamen fatum, id-

*Prax.**Med.**Infal.**p. 384**1700.**p. 229**Obf. p. 456**d. M.**Sap. St.**clar. p. 135**elog.**Martin.*

*Cent. I. II.
App. p. 200.*

*Spadacr.
p. 61.*

*ep. Craton.
L. II. p. 511.*

1699. p. 105.

idque longe acerbissimum O. Borrichium, summum virum expertum esse, in ipsa quippe operatione mortuum, in vita ejus legimus, & simile fatum affinem suum D. Maskosky, Archiatrum Würtenbergicum & Physicum Göppingensem expertum esse, R. Lentilius in Ephemeridibus Germanorum annotatum reliquit. Quin & Gratianum lithotomum famosissimum, cum calculo se premi ratus socio lithotomo vesicam secandam præbuisset in urbe Namurci, nihil præter tenacem pituitam eduxisse, H. ab Heer fidem facit. Arthriticos inter Medicos Gregorium Horstium patrem, Guili. Fabritium Hildanum, J. C. Scalligerum, Georgium Noeslerum, Ludovicum Jungermannum, Joannem Freitagium, Carolum Clusium, J. Dolæum, G. Patinum, L. Bellinum, Antonius Galateus, philosophus, Medicus orator, Cosmographus & poëta, commemorari cum primis meretur, quippe qui laudationem podagræ, festivum opusculum jam podagricus dolori leniendo conscripsit, ut in vita ejus legitur; itemque P. Monavius, idque ob ingenuam hanc confessionem: „ Factus sum ex ischia- „ dico gonagricus, inde podagricus, demum etiam „ chiragricus, quin & colli partes malum hoc in- „ festare non prætermisit. Præcipuam mali cau- „ sam hæmorrhoidum, quæ s. n. singulis ferme men- „ sibus mihi ante fluere solebant, suppressionem „ fuisse statuo. Singulare vero arthritici mali genus, quod in proprio observatum corpore lumbaginis elogio describit S. Grassius, in laudata sæpius Historia Morb. Vratisl. legi meretur.

X.

Longum foret, si læsiones varias externas, morbosque complicatos, aut a nimio & intempestivo veneris usu, ab Acidulis & thermis non apto tempore haustis, & similia Medicis cum aliis communia, perlustrare, & singulorum exempla undique conquirere animus esset. Quare unius tantum consuetudinis atque idiosyncrasiae mentionem facturis Petrus occurrit Borellus, qui Medicum Mithavensem familiariter novit, qui nunquam sputum neque mucum ejecit, licet temperamento pituitoso & obeso esset, & tamen optima fruebatur sanitate, & siti raro torquebatur ob laryngis a pituita irroratum, & ob eundem loquelæ difficultate laborabat, radicis linguæ nimia irrotatione. J. C. Derebecque ita de se ipso scriptum reliquit: A tredecim annis quo tempore „ florent rosæ, quotannis coryza corripior, in qua „ indefinenter per multos dies humor multus, tenuis, & admodum acris, nares exulcerans, & oculos pungens ac vellicans, unde lacrymæ, idque per totum tempus, quo rosæ se mihi olfaciendas præbent, durat, eoque elapso sponte desint. „ Talemque antipathiam ad rosarum suaveolentiam, olim in le Febure, Chymico Regis Angliæ Caroli II. peritissimo ac celeberrimo annotavit J. Bohnius, qui cum inter operationes chymicas rosas quondam uberius tractaret, hoc infirmitatis inde contraxerat, ut a florum horum odore mox animo linneretur. Jacobum vero Foroliviensem, Bruerinus refert ab allio manducato perinde ac a veneno potu cruciatum fuisse. Et sicut sudorem ab usu rhabarbari luteum cl. Mentzelio antea laudato extillasse, in Ephemeridibus Germanorum legitur,

E

qvaes

*Cent. II.
Obs. 68.**Obs. 92.**L. I. d. Off.
Med. p. 56.**de re cibaro
c. 4.**Dec. I. A. 6.
7. Obs. 78.*

Hist. Anat.
rar. 62.
Cent. 4.
Cent. 3.
Obs. 8.
Eteodr.
p. 628.

ad Remp.
August.

Tr. d. po-
dagr. Op.
p. 608.


qvaes historiae plures a T. Bartholino collectae sunt & de D. Pfeil, H. Salmuthus simile quid commemorat, ita de D. Flekk, Medico Curone Rosinus refert Lentilius, quod fumo nicotianae adsuetus, eo postmodum intermisso vitam cum morte brevi commutaverit. Sed desinendum tandem est. Quare non nisi pauca ex docta Philippi Höchstetteri praefatione, quam observationibus suis praemissit, delibabimus, in aegrotantium solatium Medicorum. Ita autem ille plura inter alia satis egregia: „ Laudatur candela ardens, quia utilis, at haec „ ipsa in hac utilitate consumitur & dissipatur. Sumus & „ nos lumen, quod divinum accendit numen, ut hominibus „ ad sanitatem prae luceamus in quo opere si consumimur, quid mali? hisque T. Sydenhamii finiemus verbis: „ Si „ saevissimi isti cruciatus, impotentia ad motum, coeteraque „ corporis mala, quae ego per maximam vitae partem sum „ perpeffus, una cum damno rei familiaris, quod sustinui, a „ medicina facienda toties adversa valetudine avocatus, aliis „ quietem & ἀναλγησίαν possit comparare, erit, unde me „ fructum aliquem miseriarum hujus generis, quas in hoc „ vita toleravi, in aliam migrans percepisse, existimabo.

S. D. G.

SERIES CAPITUM.

- I. *Medicum sanum an aegrotantem esse, praestet?* II. *Medici Longevi.* III. *Causa vitae longa & brevis, morborumque in Medicis.* IV. *Causa morborum speciales in Medicis clinicis, aulicis, castrensibus, & iter facientibus.* V. *Morbi Medicorum a contagio, febris, pestis, dysenteria.* VI. *Morbi Capitis, Apoplexia, Memoria defectus, Spasmi, Capitis dentiumque dolores, Oculorum & Linguae morbi.* VII. *Morbi Pectoris, Pleuritis, Peripneumonia, Vomica, Empyema, Phtisis.* VIII. *Morbi Abdominis, Hydrops, Colica Ileus, Melancholia Hypochondriaca.* IX. *Nephritis, Arthritis, Lumbago.* X. *Morbi Complicati, ab Acidulis, & thermis, a lesionibus externis a nimio veneris usu, ab idiosyncrasia, Epilogus.*



CO.



COROLLARIA.

- I. **T**hales Milesius & Jo. Baptista Helmontius aquam universale rerum omnium principium, nec sine specie, esse dixerunt.
- II. Ignis non est elementum, multo minus, ut Anaxagoras voluit, unicum & primum.
- III. Principia chimica stant post principia.
- IV. Aut æther est anima mundi, aut nulla est.
- V. Methodus scribendi formulas, Recepta dictas, Medicis usitata, ex Aegypto, vel & ex Pythagoræ schola procul dubio originem traxit.
- VI. Idem de characteribus chemicis sentiendum.
- VII. Motum corporibus denegandum non esse, operationes medicamentorum inter alia confirmant.
- VIII. Dantur in corpore humano operationes plus quam mechanicæ.
- IX. Non datur in rebus naturalibus attractio, licet veteribus non modo, sed & summis hodie in Britannia philosophis adserta.
- X. Quæ de venenis lentis & temporariis circumferuntur, incerta sunt pleraque.

EX.



* * *

EXPERIENTISSIMO DOMINO
CANDIDATO SUO
PRAESES

S. D. P.

Miserare res est Medicus, omnium quippe hominum homo, & omnium horarum homo. Quid mirum ergo, si & ipse nihil valente auxiliorum omnis generis adparatu morbos quoque varios, & communem mortalium sortem experiri cogatur. Hoc certe argumentum a nemine haftenus agitatam, dignum Tibi visum est, in quo ingenii experireris vires. Quare, cum nullum sit dubium, quin eâdem facundia, ingenique promptitudine isto de capite haud e trivio petito publice verba facturum sis, qua medicorum ordini varia tecum pericula instituenti obviam ire didicisti, ut honoribus, brevi Tibi ejusdem nutu conferendis ex voto fruaris, & benedictionis divinæ tutela securus LANGIORUM inclyta Medicis nomina, famam, & merita ad æquare contendas, jubeoque & precor!

Vale!

Dabam e Museo d. XII. Maji clō lccc xxxii.

